


Iroun Beretitenti Thomas S. Monson



Ti A Tauraoi?

Nte aono are I maeka ao ni beku iai ngkoa, te Ekaretia e katea aia tabo mooa ibukin kawakinakia, ao taan mwakuri iai te koraki ake anganano man taian uoote nako. Bon te karikirake ae rangi n nakoraoi, ike e kona n kakatauraoi tengaa bunimoa aika a boou ao tebubua te kiro taian moa aika tauraoi nakon te kukanaki nakon ana titoa ni kaikobwai te bitiobi. Ibukin tabeua baika a na riki, e ngae n anne, taani maniman aika anganano n aia itera n tai, a bon rotaki baiia ibukin karaokina ao a rootaki naba aia iango ao aia namakin.

N aron te katoto, I teimatoa n uringa te tai are ti ikotia iai kairake n ataenimwaane n te Nakoanibonga ae te Aaron bwa a na karaua ni kaitiaka raoi aia tabo mooa. Ungan nanora ngaira kaain ara kurubu ti ikotaki n te tabo ni karikirake anne ao ni kabaikoaira n routii, ikotii, ao ni kabuekii uteute ao maange aika matenten. Man ootan kiaian te kaura aai, ti kang tiaotiti ike ti a katekeroira ibukin nakoraoi ara mwakuri.

Ma e ngae n anne, iai teuana te kanganga ae nakobuaka. Te kaberoro ao te ai a rang n aki karauia 5,000 mooa aine aike a nang tauraoi ni kabung are angiina a rootaki buraeia ao a toki kani bungia. Imwiina teutana ti a katoka ara kouteute bwa e a aonga ni manga karekei riki bunnimoa aika batii.

Membwa ni kabane n te Ekaretia are a tia ni buoka ni katauraoa kainnanoia naake a rootaki n te kainnano a aki mwaninga ke n uringaaba n te bwai are riki aei. Te

karaobwai, te tatabwi, te toronibwai, ao n ibuokanibwai ma tabeman, tiaki katei aika boou nakoira.

Ti riai n uringnga bwa te kabanea n tamaroa n tititem ibukin te auti ni kaikobwai e riai ibukia kaain te utu ni kabane n te Ekaretia bwa a na karekei tataran kanaia, kunnikaia, ao, n te tabo ae riai, bwaai aika a rang ni kainnanoaki inanon te maiu. Ana auti ni kaikobwai te Uea n ikotaki ma aia tai, taarena, konabwai, nanoanga, bwaai aika katauaki n anganako, ao aia kataumwane membwa n te Ekaretia aika kakaonimaki. Bwaai n ibuobuoki aikai a tauraoi nakon te bitiobi bwa a na buokaki iai ake a rootaki n te kainnano.

Ti kaumakiia Aomata aika Itiaki bwa a na wanawana inanon aia babaire, a na aki rawa ni karaoa te bitaki n aron mauia, ao ni katoka korakoran te tarau. Angiina aomata a na kona ni kaitarai kanganga n te kataumwane ngkana iai rakan kanaia ma kunnikaia a kainaomataki man te tarau. N te bong aei ti kunea bwa angiina a ira te reirei aei ao ni kaibibitia: iai rakan aia tarau ao akea rakan kanaia.

I kaokioka te bwai are a taekinna kaain te Moan Beretitentii are a katanoata tabeua te ririki n nako:

“A kaman tia n reireinaki inanon ririki aika mwaiti Aomata aika Itiaki bwa a na katauraoi ibukin taai ni kaitara man karekean aia kataumwane ae bon tau. Ni kawakinan te mwane e a kamwaita riki te kamanoaki ao te mweeraoi. Membwa n tatabemania iai mwiokoaoia ni katauraoi ibukin oin kainnanoia n te mwaiti ae bon riai.

"Ti kaungako n te tabo are ko maeka iai n te aonaaba bwa kona katauraoi ibukin taai ni kaitara man taraakin am kataumwane. Ti kaumakiko bwa ko na nanorinano n am kabanemwane, reireiniko n am kaboobwai n totokoa te tarau. Waekoa kabwara am tarau n aron ae ko kona, ao kainaomatako man te tauronaki aei. Kawakina am mwane ae bon tau ni katoa tai nakon am kataumwane ibukin taai aika a na roko."¹

Ti tauraoi ibukin bwaai aika karina inanon maiura? A nakoraoi ara konabwai? Ti bwaina te maiu n tatabwi? Iai rakan ara bwai aika ti kawakin inanon baira? Ti ongeaba nakon ana tua te Atua? Ti kaekai aia reirei burabeti? Ti tauraoi n anga mai buakon ara bwai nakoia ake a kainnano, ao ake a bon rootaki riki n te kainnano? Ti koaua nakon te Uea?

Ti maiu inanon taai aika angibuaka. N angin taai aika a na roko akea ataakina, ma ngaia are, e riai ibukira bwa ti na tauraoi ibukin baika a na riki aika akea kakouakia iroura. Ngkana e a kaoti te tai ni babaire, e a nako te tai ni katauraoi.

BWAAI AIKA A NA TARAAKI

1. The Moan Beretitentii, *All Is Safely Gathered In: Family Finances* (bamburete, 2007).

REIREI MAN TE RONGORONGO AEI

Iangoa kainnanoia naake ko kawariia, iangoi kawai ake ko na buokiia bwa aonga riki ni maiu n toronibwai n aia mwakuri, kataumwane, kawakin amwarake, ke ni katauraoi ni bwaai aika karina. Iangoa te konabwai are ko kona n tibwauaia ma ngaiia, n aron te ununiki ke tararuan te kataumwane, are e na kakorakoraia n ira ana reirei Beretitenti Monson.

KAIRAKE

I a Manga Beku Riki

Iroun Jaíne Araújo

Te bong teuana, imwiin banen ara mwakuri n ibuobuki iaon te karikirake, I nakonako rirarikin ara

autinibotaki ao I nooria uoman aine aika kaitiaki iai. E a rina naba n otinako au taeka: "Aine, kam kainnanoa buokami?" E taraai temanna mai irouia ao e taku bwa I roko raoi iaon te tai are bon tii ngaiia ni kaitiaki ao a bon rang ni kua. E taku bwa e a kaman tataro bwa te Uea e na kanakoa temanna ibukin buokaia. I bon rangi ni kukurei ngkai I riki bwa kaekaan ana tataro. I a bon tibwa tia ni buoka temanna ao I a bon kua naba, ma I ira nanou ao n anga riki au ibuobuoki.

Bon te tua ae ko na mwakuri ma te kimwareirei (taraa D&C 24:7. Ngkana iai nanora ni kan beku n taai nako, ti kona ni buoka ni karikii kakai inanon maiuia aomata. E na korakora riki manenan maiura ngkana ti beku. E rang tangiriira te Uea, E buokiia natina n tatabemania, ao E na anganira te korakora ni karaoa ara beku.

E maeka te tia korokaraki i Rio Grande do Norte, Brazil.

ATAEI

Ko A Tauraoi?

Kaeka: Koaua, Koaua, Kewe, Koaua, Kewe

Beretitenti Monson e bubutira ngaira n tatabemanira bwa ti na katauraoira ibukin taai ni kaangaanga ao ni buokiia tabeman inanon aia tai ni kaangaanga. Anaa te kamwaninga aei ni korea e koaua ke-kewe n taraia ngkana ko a tauraoi!

I kona ni kakaea temanna ni buokia n tainako.

Koaua Kewe

I kona ni kakaitau ibukin bwaai ake I a kaman kare-kei. Koaua Kewe

Akea au taarena ae n na tibwauaia ma temanna.

Koaua Kewe

Te kawakin mwane ibukin taai rimwi bon te iango ae tamaraoa. Koaua Kewe

I kainnanoi bwaai n takakaro ao kunnikai aika boou bwa I aonga ni kukurei. Koaua Kewe



Ana Mwakuri lesu Kristo ae Tabu: Te Tia Karaunano

Tataromwaaka ni kamatebwaiia te bwai n reirei aei ao n ukoukoria n ataia bwa tera ae ko na tibwauaia. E kanga am atatai ni maiun ao ana mwakuri te Tia Kamaiu ni karikirakea am onimaki Irouna ao ni kakabwaiiaia naake ko tararuuaia rinanon te reirei ni kakawari? Ibukin rongorongona riki, nakon reliefson.org.

Aio mwakoron te Kakawari n Reirei n te Mweenga are e kaota mwakoron ana mwakuri te Tia Kamaiu.

E berita Iesu Kristo, “I bon aki kitaningkami ni motiki romi; I a okiringkami” (Ioane 14:18). E berita bwa E na anganira te “bau ae tamaroa n onea mwin te mannang, ao te bwa ni kukurei n onea mwin te kunnikai n tang” (Itaia 61:3. Ibukin korakain Kristo n ana Mwakuri ni Kamaiu ibukira n tatabemanira, E bon aki mwaninga taekara. “Ara Tia Kamaiu e katoka iaona . . . marakira ao korakaira ao karawawatakira bwa E aonga n ataia bwa tera ara namakin ao e na kanga ni karau nanora,” e taku Linda S. Reeves, te kauoman ni kauntira n te beretitenti ni kabuta n te Botaki n Aine.¹

N ataa kina bwa Kristo e na karau nanora e kona n uota te rau ao ni kaungaira n iriiri Ana katoto man ara mwakuri n ibuobuoki nakoia tabeman. E taku Beretitenti Thomas S. Monson: “Ara atatai ibukin te euangkerio ao ara tangira ibukin te Tama are i Karawa ao ibukin ara

Tia Kamaiu a na karau nanora ao ni boutokaira ao n uota te kimwareirei nako nanora ngkai ti nakonako n te aro ae riai ao ni kawakin tuua. A na akea te bwai teuana n te aonaaba aei ae e na tokanikai iaora”²

Man Koroboki aika Tabu

Ioane 14:18, 23; Aramwa 7:11–13;
Doctrine ao Covenants 101:14–16

Man Rongorongora

Elaine L. Jack, te ka 12 ni beretitenti ni kabuta n te Botaki n Aine, e taku: “Inanon te reirei ni kakawari ti roota temanna ma temanna ni buokia. Ara mwakuri n angin te tai a tomaaki ma ara taeka a aki kona. Te irabwati n raonaki ma te tangira e tomaaki raoi. Te uaia ni ngare e katileuanaira ni kabane. Te tai n tibwabitwa e kabouui nanora. N tainako ti aki kona n tabeka rawawatan te aomata are e karawawataaki, ma ti kona n tabekiarake bwa e aonga ni kona ni kaitaraa.”³

Tarira n te Botaki n Aine aika bwaeoniiia “a kunea te korakora ni

maiun tamneia n aia tangira ao aia nanoanga aine n tatabemania . . . ngkai a korakai n taian kakatai n te aoraki ao te mate, a tataro inanon te onimaki i bon imarenaia ao ni karau nanoia i bon imarenaia. ‘Tangiran te Atua e tibwauaki ibuakoia aomata,’ e koreaki ioun Helen Mar Whitney, ‘ni karokoa are temanna te aomata ae buakaka e taraa n akea korakorana inanon ana konabwai n roko imarenara ao te Uea, ao ana kakatai aika buakaka, inanon tabeua katoto, akea te karawawataki ae reke mai iai.’”⁴

BWAAI AIKA A NA TARAAKI

1. Linda S. Reeves, “The Lord Has Not Forgotten You,” *Ensign ke Liahona*, Nobembwa, 2012, 120.
2. Thomas S. Monson, “Be of Good Cheer,” *Ensignke Liahona*, Meei 2009, 92.
3. Elaine L. Jack, inanon *Naati Aine n Abanueau: Rongorongon ao ana Mwakuri te Botaki n Aine* (2011), 119.
4. *Naati Aine n Abanueau*, 34.

Iangoa Aio

E kanga te atatai ae te Uea e uringko n anganiko te karaunano?